

Es tuat ma laad

Text: Claudia Marold

1. Du glaubst, Du kennst an Mensch'n
Und sixt nua, was er da zagt
Die letzten Joa' zia'ng an mia vuabei
I hob' di ned oft g'fragt
Was in Woaheit in dir vuageht
Und des Heaz wird ma schwaa
Kumm, schenk no amoi ein
Uns're Glas'In san scho laa

2. Kumm, loss uns endlich red'n
Es warad aun da Zeit
I waaß, mia kennan nix mehr rett'n
Jetzt iss es hoit so weit
Es is vuabei, i waaß es eh
Oba huach ma no kurz zua
Des is jetzt echt ka blede Schmäh
Und daunn loss i Di in Ruah

Refr. Du wiaßt ma imma wichtich sein
Des muaßt ma r afoch glau'm
I woa ned immer fair zu di
Des waaß i gaunz genau
I kaunn's a nimma ändan
I sog' nua: Es tuat ma laad
Es tuat ma so laad.

Bridge: I hob die Schbeastund' übaschritt'n
Und da letzte Zug is weg
Jetz' schdeh' i do inmitt'n
taus'nd Scheab'm voll im Eck.

I woit' jo nua des Beste
Und hob' ollas ruiniat
Und zwoa so gründlich, dass aus uns zwaa beide
Sicha nix mea wiad

I woit' Di nia verletzen
Und hob's trotzdem g'mocht
Heite frog i mi
Wos hob i mia nua dabei 'docht?

3. Jetzt schaut' mi aun mit deine
Wunderscheenan, blauen Aug'n
Und i, i wea so klaa mit Huat
Und faung zum rean aun
I hab so vühles foisch g'macht
Und jetz' is ollas hin
I kaunn aus meina Haut ned raus
I bin hoit, wia r i bin.

Refr. Du wiaßt ma imma wichtich sein ...